

安災四種卷第三十五

齊民四術卷第十一

涇縣包世臣慎伯著

兵三

答蕭枚生書

時客粵海關署

枚生一弟足下文祉佳勝人曰儀墨農來奉手書示及依人況味直道不行久矣況地涉脂膏府主職顯而事實賈大於此必求心所安欲以僕爲人謀者爲法豈能頃刻居乎足下洞見夷估至隱謂十年之後患必申於江浙恐前胡倭禍復見今日非足下固莫能遠慮及此也足下前次回江書言英夷藉新埔招閩粵逃人事深可慮欲著粵

權志儲一書以發其機括僕入都就潮惠漳泉計偕解事者問之多言新埔夷人近改名新嘉坡廣刊漢文書籍茲詢墨農尤詳備且言前歲英夷兵船淹滯省河洋行釀洋錢十八萬誚之乃去或言係洋行招海盜爲之又有夷使下國主書要制軍親受不得已使中衡廣府上船受書夷使出艙岸人譁曰若乃洋商夥某爛崽也遂狂窘入艙而中衡等卽下船其船旋遁則知歷屆恫喝皆洋行所以固壘斷鴉片之局者果爾雖必有事不足患矣所慮者或有失職無行之士廁其中如汪直徐海者耳英夷乾隆中已有招寶山之請是其垂涎江浙也久足下有真見聞幸以

相示聞制府甚推重則其署冊檔可得見參以粵關冊檔及時著述不朽之業斯在珍重千萬道光丙戌正月世臣頓首

致廣東按察姚中丞書

亮甫先生大公祖閣下頃在吳門晤朱虹舫學使得悉閣下榮荷

特簡陳臬廣東欣慰無已閣下資深望重久膺節鉞徒以公直難行廉潔少與棄置間散者積累歲月茲竟復起側見

聖心俯同輿論天下幸甚閣下樞筵老宿天下事無不經

練豈復草茅下士所能以細流土壤備不辭之數哉唯厚
辱推許相期以古人不敢自外敬陳所聞以供采擇竊聞
廣東多寶之鄉吏治至蕪舶市之所人心至澆是故廣東
有中外上下共知之大弊四外知而中不知下知而上不
知之大患一非閣下固無能起此沉疴而杜此亂萌者從
前節相吉公不過中材惟以上念

國是下卹民生遂使斂薄刑省官民相安況閣下挺不撓
之節堅不潤之守威德信於寰宇訟諏逮於芻蕘者乎省
垣兩縣案件繁多胥吏擇肥任意牽累羈押班館人常數
千煥斃者日有數輩離省較遠之高廉各郡渡壇商旅每

有指爲匪徒飛稟省府委員扶同遂成寃獄上游知而不
問大弊一也廣東盜風最熾需次佐貳因緣入審案局勾
結蠹役買盜報功超擢相繼而真盜並未伏辜上游知而
不問大弊二也惠潮一帶大姓公堂至富族匪垂涎構衅
械鬪買人頂兇賄官定讞首禍正兇逍遙事外以訟費開
銷公堂坐致豐厚上游知而不問大弊三也勒緝巨案上
游限緊有司輒將平日羈繫大鍊之匪徒逼供銷案上游
知而不問大弊四也凡是四弊皆臬司所可獨斷獨行者
聞下斷無不知斷不肯知而不問唯痼疾已深爲之類以
漸黨援至衆必得相勦爲理者數人方可使小民有受其

福耳。至於大患固亦臬司職應籌辦者。然斯事體大非與制府一德同心則力不能舉。故以所聞始末爲閣下詳陳之。粵海通商夷國十數以英吉利爲最強。聞乾隆四十年間粵東外洋有封禁地名新埔距省垣千里而遙。粵之惠潮閩之漳泉無業貧民私逃開墾。英夷回帆過彼欲佔其地。爲閩粵客民所敗。數年後英夷以兵船至。客民降服。英夷遂踞其地。每來粵市舶返輒留人三分之一在彼。建置城郭房室。迄今幾五十年。並招嘉應州之貧士至彼教其子弟。又召粵中書匠刊刻漢文書籍。又聞鴉片毒煙亦以其時始入粵東。並不行銷。十數年後省垣及惠潮漳泉居

人漸染其毒嘉慶紀年吳越人亦吸食比及其末煙毒遂
徧天下此物向在例禁各小國所產不敢顯售必附英夷
與匪徒爲市是以粵海夷商亦以英夷爲最饒洋商但與
英夷交好者無不立致不貲而沿海大戶皆以國煙土爲
生至以國土之多寡計家產厚薄夷以土入華以銀出以
致銀價踊貴公私交病於是議嚴紋銀出洋之禁而禁後
銀價益長是禁之不行可知也夷船通市止粵海一關而
廈門蘭台寧波亦浦上海各關皆有閩廣烏船抵關轉輸
洋貨新埔客與離降服英夷並未收稅服色是到各關之
烏船亦與新埔客民在其中以分散煙土於各省而

結其匪民是英夷雖未至江浙其黨羽實已鉤盤牢固再閱數年銀長無已公私更行困憊不得不籌塞漏卮漏卮之塞必在厲禁煙土煙禁真行則粵閩之富人失業而洋商尤不便此勢必慫慂英夷出頭恫喝又聞粵中水師皆食土規一旦有事情必外向然英夷去國五六萬里與中華爭勢難相及而新埔則近在肘腋易爲進退况內地既有謀主沿海復多脅從英夷亦難保其不生反心乾隆嘉慶之末英夷兩次騷至天津入貢驕倨殊甚是固有主之者而乾隆中飭由直隸山東江蘇浙江福建內地至廈門放洋回國嘉慶中飭由安徽江西廣東內地至虎門放洋

回國使之目驗內地形勢又江浙各省市易皆以洋銀起
算至壓寶銀加水凡物之精好貴重者皆加洋稱江淮之
間見禍事將起輒云要鬧西洋凡此兆朕太爲可慮新埔
應向封禁客民私逃本應重科以宜選膽識俱優之員密
至新埔查看得實或宥各客民之前愆悉徙之內地仍前
封禁或驅逐英夷而設重鎮郡縣如臺灣所可銷逆萌以
輯邊釁也說者必謂英夷佔踞日久聚衆已多與之理諭
勢必不從怵以兵威或至構怨目前無事正可苟安何有
如傳會安能遠慮百年輕犯禍始是則非世臣所敢知也
鑒此誠非易事然事之難者必有人舉之君子爲其難者

是不得不望之於閣下也。十數年後，雖求如目前之苟安，而不能必至以憂患貽。

君父夫豈君子之所忍出哉？世臣遊歷未至粵東，所陳五事皆訪之粵人，其說一口，故屬虹舫附遞上瀆，以虹舫行。速燈下草創，語無詮次，字雜行草，伏唯涵察。道光八年四月日，故民包世臣謹再拜狀上。

職思圖記爲陳軍門

階平

作

道光廿年秋，閱邸抄見英夷再犯廈門，失利遠遁。先是英夷一窺定海，遂至失守。夫廈門定海均天險，而勝敗迥殊者，豈不以吾兩峯軍門駐廈先事豫防哉？權家言曰：凡勝

三軍一人勝誠哉是言也是年仲冬接軍門手書述拒禦
英夷事並言近日英夷遊奕莫敢進口故作職思圖吾子
幸爲記之職思者何思籌海以稱職也閩中名流目擊軍
門之忠惻各以詩文紀事實雖世臣何以加於是然世臣
所欲言者則有異於諸公之所言故不得以不文辭前明
倭寇之亂鄭若曾客胡宗憲幕府爲籌海圖編一書詳哉
其言之今之英夷事畧同而情迥異十數年前姚亮甫中
丞陳泉學東世臣移書一千言爲言英夷据粵洋之新埠
逼肘腋意殊叵測固早知有今日之事也蓋英夷利在賣
土而土利之歸英夷者什三其七則分散內地席其利者

乘資力以奔走勢要所欲無不遂而猶慮或有潔身自好者介其間沮敗乃事故始則游談恫喝繼則設形勢張威武使當軸從風而靡其端倪前已三數見矣及十八年黃侍郎請設厲禁雖爲時已遲尙非必不可行也夫政先治內罰不遺上古之所以令而行禁而止也今以受煙毒者至深食煙利者至夥欲以一切之法齊之於一旦而官幕兵役莫過問大猾窰口莫過問塞固圉投遐荒率皆細民受者固已缺望而繳解及捕獲之煙鎗煙土主銷燬者輒更以新鎗僞土焚示通衢觀者莫不掩口是令固不欲其行也而禁則日厲奸徒念不破此局終不能顯專其利欲

破此局非精力英爽不可故英夷驕蹇於粵東濡滯經歲
乃去粵而肆毒於浙情實見矣廈門爲全閩戶牖軍門以
全力經理之適夷來輒失利有成效若宜可高枕無憂者
抑思漳泉之富人以乘海舶率中煙毒兵役見賊氛稍息
遂以勾攝煙犯爲利數路壑無厭衆怒難犯則引寇召禍
亦靡理之所當有矣是以居今日而言籌海必以拊循閩
閩避匿困固民最爲先務而激厲死士決命於鯨波不測
此中猶其後焉有應近世制牧民者類以民畏之得民財
爲善政以善政御民民相仇久矣委而去之舟中皆
棄民而後已此非軍門職所能及也世臣

卷三十五
七
辱及垂四十年稔軍門之材見軍門之心舍軍門更無可
與言此者矣軍門而必籌海以靖海也則請與封圻誦說
民間疾苦使貧者有以爲生富者得以自全共發其親上
死長固有之良是與推求礮火之利鈍舟楫之攻苦功效
必相萬也世臣不才不能剝民自固以奉職無狀聞而仍
敢以此言進軍門者傳曰可與言而不與之言失人軍門
職有所限而思則無極其亦察此心而然此言也乎道光
庚子季冬之望安吳包世臣書於豫章旅館

與果勇侯筆談

候佩參贊大臣印馳赴廣東督辦英夷以道光廿一年

談

正月廿四日取道豫章枉駕荒筵侯兩耳稍重故與筆
談
吳夷國居極兩地不過千里人嗜利而健猾以其智勇憑
凌鄰國三十年來進作鴉片以害中華每歲取中華銀不
下四五十萬而該夷主收其租歲亦千二三百萬以富益
強鄰國所產各貨皆被該夷於要害處所設關收稅今鴉
片禁絕則該夷收入什去五六且鄰國以畏其富強爲之
微服焉亦得以漸漸淺漸此英夷之不得不以全力爭此
局者情勢勢必垂非僅前曠侯患之比也大海周環西
南東兩端北望希天七省通海口岸皆一帆所達該

夷又有火輪船瞬息千里以何便利通商已百餘年漢奸引爲奸利內地一舉一動彼無不知若海口皆備以重兵此兵法之所謂無所不備無所不寡若有一處空虛便恐被乘是必宜通籌全局不僅以廣東現在情形一隅着重而計出於頭痛醫頭腳痛醫腳也兵法曰以夷狄攻夷狄中國之勢也英夷之長技一在船隻之堅固一在火器之精巧二者皆非中華所能而通商之他國則多與英夷同技不過英夷強梁各國不能獨與爲敵耳以目下傳聞之勢而論似宜俟靖逆到粵會商請

旨先擊各海關以斷漢奸通信往來之線索且示各夷以

永絕回市而激之措辭略謂

仁皇帝所爲開海者知各夷非大黃茶葉不生西口陸路艱險所通無多故仰體昊天好生之德設關通商以全各夷民性命並非爲權稅起見不意英夷造作毒煙貽害我內民至此又復恃強怙惡堅不具結是以絕其貿易而各國恭順無過者自仍舊貫及上年春間英夷自海中封港阻各國貨船不得入口固知非各國之意然英夷悖逆如此實有不得不封關絕市之勢如各夷國効順求生集衆弱以爲強共輯英夷於海中叩關內請自當論功行賞仍通商並分別功能高下減免各該國貨稅

云云查廣東